

կին գլխակորոյս փախուստը Կովկասից, որին ականատես եղել ենք արդէն մի անգամ: Այդ հնարաւորութիւնն է ահա, որ փշաքաղում է ամէնքիս: Ո՞վ կարող է ասել, թէ դա երբե՛ք, երբե՛ք կարելի բան չէ այլեւս: Եւ սակայն, նախատեսել պէտք է 1 առ հազար, անդամ տասը հազար հաւանականութիւնը եւս ու նըման դէպքի համար էլ դարման խորհիլ, քանի դեռ ուչ չէ: Ուստի եւ բնաւ ան տարբեր հարց չէ, թէ նման սոսկալի վայրկեանին մենք նորէ՞ն փախչող Ռուսաստանի փէշը բռնողն ու, հետեւաբար, մեր զբախ ու ներսի հարեւանների միջեւ բոլոր կամուրջները այրած թշնամի կո՞ղմ պիտի մնանք հրապարակում մեն-մի-նակ, թէ՞ առաջուց նրանց հետ հասկացողութեան եկած կողմ: Առաջին դէպքում՝ շատ-շատ Անդրկովկասի հայութեան բեկորները միայն ճողոպրիլ կարող են փախչող ուսաների հետ միասին, այն էլ՝ եթէ նրանք թոյլ տան այդ, մնացած հայութիւնը մոխիր պիտի ցանէ իր գլխին, եթէ միայն ողջ մնայ: Պէ՞տք է նախատեսնել նման հնարաւորութիւն, թէ՞ ոչ: Ինչո՞ւ հաշուի չառնել նաեւ այն, որ մեր հարեւանների հետ այս կամ այն ձեւով ընդհանուր լեզու չգտնելու պարագային՝ այսօրուան փոքրիկ Հայաստանն անգամ իրար մէջ բաժանելու շարադէտ ծրագիրը յղանալ կարող են նրանք. չէ՞ որ դրա մասին մինչեւ իսկ Ռամկավար կեդրոնական օրգանը բաւական ժամանակ առաջ լուր էր հաղորդել: Ո՞վ պիտի մեզ օգնի նման պարագայի: Մոսկովում նստած ու՞՞՞ւր, Լոնտոնում բազմած անգլիացի՞ն, թէ՞ մենք մեզի կը բաւենք՝ չորս ճակատների վրայ, տասնապատիկ դերազանց ուժերի դէմ կռուելու... մէկ մասով այստեղ նստած, այս հեռուները:

Բայց՝ համաթրքական ծրագրի դէմ համարիական միութեան ծրագիրն էլ է պարզուում: Ինչո՞ւ չէ, եթէ միայն իրագործելի է նա առհասարակ: Հայի բնական դաշնակիցն են համարուում պարսիկը եւ քիւրդը: Այդպէս ենք դատում եւ ուզում մենք, հայերս: Իսկ նըրա՞նք: Նախ սխալ է քրքիական ժողովուրդներին հակադրել արիական ցեղերը, ինչպէս որ սխալ պիտի լինէր, օրինակ, մոնղոլական բոլոր ցեղերը հակադրել ուսին: Մի դէպքում

առնուում է որպէս կողմ մէկ լեզու եւ մէկ ծագում ունեցող, ցեղակից ժողովուրդներ, որոնք մի՛կ ազգ դառնալու ցամաքու վրայ են գտնուում իսկ միւս դէպքում՝ տարբեր լեզուներ խօսող եւ տարբեր ծագում ունեցող ազգութիւններ: Հայը, քիւրդը եւ պարսիկը երբեւէ մէկ ազգ դառնալ չեն կարող, ոչ էլ ուզում են, իսկ տաճիկը եւ ազրին — դեռ հեռու չեմ դընում — արդէն իսկ ինքզինքնին մէկ ազգ են համարում, ինչպէս, օր., մենք, արեւմտեան եւ արեւելեան հայերս: Ո՞չ միայն ուզում են նրանք այդ, այլ եւ՝ կամենում: Վաղը չէ միւս օրը՝ նոյն այդ գիտակցութիւնը պիտի իւրացնէ անշուշտ նաեւ Ատրպատականի թուրքը, աւելի ուշ՝ թուրքաստանցին: Չմոռանանք երբեք այն փաստը, որ օսմանեան եւ կովկասեան թուրքի ազգային միութեան գաղափարը ընդամէնը 25-30 տարուան ջանքերի արդիւնք է:

Եւ յետոյ, կայ նաեւ շահերի, ուժերի խնդիր: Հայն ու քիւրդը հպատակ ժողովուրդներ են, այն էլ տարբեր պետութիւնների հրպատակ, իսկ պարսիկը՝ անկախ: Թուրքն ու պարսիկը շահագրգռուած են միասնաբար ճնշելու, օրինակ, քրդական շարժումը: Պարսիկը հաշուի է առնում թուրքի ուժը եւ նրանից սպասուող վտանգը, իսկ մեր մէջ նա հաշուի առնելիք բան չի տեսնում: Շատ շատ՝ օգտուել միայն կարող է մեր թոյլ ուժերից: Աւելին դեռ. հակառակ մեր կատարեալ լոյսալութեան, Սալմաստը եւ Սոյը մնում են դրեթէ հայաթափուր, անշուշտ՝ թրքական պահանջների հետեւանքով: Դեռ որոշ պարսիկներ մինչեւ իսկ ծրագիր են որոճում՝ հայկական դպրոցները փակելու: Ահա իրականութիւնը: Յանկութիւնները մէկ, բայց անողոք փաստերը՝ երկու: Ե՛ւ յուսատեղի չէ մեզ համար, ի հարկէ, երբ այս կամ այն պարսիկ հրապարակագիրը թէկուզ շատ կծու լեզու է բանեցընում համաթրքական ծրագիրների դէմ: Իսկ պատահե՞լ է, որ անգամ նման բացառիկ դործիչները հայն ու Հայաստանը կողմ հաշուեն, ինքնուրոյն միաւոր:

Այս չի նշանակում հարկաւ, թէ հայ ազգային քաղաքականութիւնը՝ անուշադիր պիտի թողնէ հայ-պարսկական բարեկամութեան խնդիրը: Երբե՛ք: Սկսուած աշխատանքը այդ